

Alkitab Buat Bocah  
Nampilin

Yesus Nyembuhin  
Orang Buta



Nyeng nulis: Edward Hughes

Nyeng bikin gambar: Janie Forest  
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin


Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Bartimeus orang buta, duduk di sebrang jalan deket Yerikho. Tukang minta-minta. Beberapa orang bae seneng ngasih duit receh atawa sepotong makanan pas mereka liwat. Bartimeus kaga bisa begawe karena dia kaga bisa ngeliat. Dia cuman bisa minta-minta.



Satu ari, jalanan rame bangat. Bartimeus ngedenger suara langkah orang jalan kaki. Sesuatu nyeng kaga kaya biasanya. Secepetnya orang buta itu tau apa nyeng sebenarnya. Yesus dari Nazaret ada di kota. Orang banyak pada ngumpul buat ngeliat Yesus, buat ngedengerin dia.





"Yesus, Anak Daud, kesianin aku!" Ngapah Bartimeus tereak? Mengapa dia mikir Yesus bisa nulungin dia? Bisa jadi dia udah ngedenger soal orang laen nyeng disembuhin Yesus. Beberapa orang budeg, beberapa orang gagu, beberapa orang lumpuh - dan beberapa orang buta, kaya dia. "Anak Daud kesianin aku," Bartimeus tereak terus. Suara kerasnya penuh ama pengarepan.





Bartimeus ngerasa  
yakin sama satu hal.  
Kalo dia kaga bisa  
ngedapetin bantuan  
sekarang, bisa jadi  
dia kaga bakalan  
ngedapetin  
kesempatan laen.  
Bisa jadi Yesus kaga  
bakalan liwat lagi di  
jalan ini.





Bartimeus kudu nyampe ngedeketin Yesus. Tapi orang-orang itu kaga ada nyeng pada mingser. "Ssssssst", mereka bilang. Mereka ngingetin dia supaya diem.






Tapi Bartimeus kaga mao diem.  
Dia terus aja tereak. Mendadak  
Yesus brenti! Ngedengerin!  
Minta supaya orang buta itu  
dibawa kepadaNya. "Giranglah",  
bilang orang-orang itu sama  
Bartimeus.



"Bangun!"  
Dia manggil  
kamu."



Sambil ngebuang pakeannya, Bartimeus bangun dan dateng nemuin Yesus.




"Apa nyeng pengen kamu minta supaya Aku kerjain buat kamu?" Yesus nanya. Jawaban apa nyeng bakalan kamu kasih? Apa iya kamu mao minta banyak duit atawa baju-baju nyeng baru? Apa itu nyeng dipengenin sama Bartimeus?




Kaga, Bartimeus nyeng buta kaga minta  
emas atawa baju bagus sama  
Yesus. Kamu tau apa nyeng  
dia pengenin.



"Tuhan, aku cuman pengen bisa ngeliat." Bartimeus pengen ngeliat! Biar bisa liat puunan ama burung ama semua nyeng indah nyeng diciptain Tuhan. Dia pengen ngeliat biar dia bisa ngurusin badannya dewek dan kaga jadi tukang minta-minta lagi.



Lantas Yesus bilang sama Bartimeus: "Ngeliatlah kamu, imanmu udah nyelametin kamu."



Sekejap dia bisa ngeliat, dan ngikutin Yesus.  
Dia cuman bisa bilang, "Tuhan itu ajaib!  
Dia bisa nyembuhin  
aku!" Itu satu  
kejadian  
nyeng luar  
biasa buat  
Bartimeus.



Semua orang, pas ngeliat  
soal ini, muji-muji Tuhan.  
Sekali lagi, mereka ngeliat  
suatu kuasa nyeng luar  
biasa dari Anak Allah,  
Yesus ngebawa terang  
buat tukang minta-minta  
buta nyeng melarat.



Yesus Nyembuhin Orang Buta

Sebuah cerita dari perkataannya Tuhan, Alkitab

Ditemuin di

Markus 10; Lukas 18; Yohanes 9

“Palang pintu Firman Engkau ngasih terang.”  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

